



Broj: JN06-16-4-59-3/23

Datum: 21.06.2023.godine

Na osnovu člana 100. Stav (1) i (3), člana 119. Stav (1) Zakona o javnim nabavama Bosne i Hercegovine, („Službeni list BiH“, broj 39/14 i 59/22) (u daljem tekstu: Zakon), Zavod za izvršenje krivičnih sankcija, pritvora i drugih mjera Bosne i Hercegovine (u daljem tekstu: Ugovorni organ) postupajući po žalbi ponuđača Mikrocop BH d.o.o. Sarajevo (u daljem tekstu: žalitelj) na tendersku dokumentaciju broj: JN06-16-4-59-1/23 od 19.05.2023.godine, Upravnik Zavoda donosi :

RJEŠENJE **o djelimičnom usvajanju žalbe na tendersku dokumentaciju**

1. Žalba žalitelja Mikrocop BH d.o.o. Sarajevo, zaprimljena kod Ugovornog organa dana 19.06.2023. godine protokolisana pod brojem : 06-16-4-1022-26/23 , izjavljena na tendersku dokumentaciju u postupku javne nabavke licenci za korištenje Owis sistema za upravljanje predmetima i dokumentima i nabavke usluge implementacije istog u Zavodu br. JN06-16-4-59-2/23 (u daljem tekstu : tenderska dokumentacija) od dana 19.05.2023. godine , broj Obavještenja o nabavci : 24650-1-2-68-3-34/23 od 19.05.2023. godine **se djelimično usvaja.**
2. Ugovorni organ će izmijeniti tendersku dokumentaciju u dijelu koji se odnosi na prvi žalbeni navod žalitelja te će se naziv sistema Owis brisati u predmetu nabavke i nazivu postupka pa će prvom izmjenom tenderske dokumentacije biti navedeno „Nabavka licenci za korištenje sistema za upravljanje predmetima i dokumentima i nabavka usluga implementacija istog“.
3. Ugovorni organ odbija kao neosnovan žalbeni navod na tendersku dokumentaciju u dijelu koji se odnosi na to da je ponuđač dužan da posjeduje Industrijsku sigurnosnu dozvolu za pristup tajnim podacima stepena povjerljivosti „POVJERLJIVO“ ili više, koju izdaje Ministarstvo sigurnosti Bosne i Hercegovina u skladu s članom 15. Zakonom o zaštiti tajnih podataka („Službeni list BiH“ br. 54/05, i 12/09), i Pravilnikom o industrijskoj sigurnosti („Službeni list BiH“ br. 55/17).
4. Ovo Rješenje stupa na snagu danom donošenja, i isto će se objaviti na web-stranici Zavoda, a izmijenjena tenderska dokumentacija objavit će se na portalu javnih nabavki po pravosnažnosti ovog Rješenja, te će biti dostupna svim ponuđačima.

OBRASLOŽENJE

Zavod za izvršenje krivičnih sankcija, pritvora i drugih mjera BiH je dana 19.5.2023.godine objavio tendersku dokumentaciju u postupku javne nabavke licenci za korištenje Owis sistema za upravljanje predmetima i dokumentima i nabavke usluge implementacije istog u Zavodu.

Ponudač Mikrocop BH d.o.o. Sarajevo izjavio je dana 16.06.2023.godine žalbu na tendersku dokumentaciju, br žalbe: 001-06/2023. Naime, žalitelj je izjavio žalbu zbog povrede Zakona o javnim nabavkama BiH („Sl.list BiH“, broj: 39/14 i 59/22) (u daljem tekstu: Zakon) te smatra da je tenderska dokumentacija u koliziji sa Zakonom.

Obzirom na sve gore navedeno žalitelj predlaže da ugovorni organ izmjeni tendersku dokumentaciju.

Prije nego što se upustio u meritorno odlučivanje, Ugovorni organ je pristupio provjeri formalnih pretpostavki za ulaganje žalbe, koje moraju biti ispunjene, kako bi se uopće pristupilo rješavanju iste, a odnose se na uvjetovane pretpostavke propisane odredbama člana 100. stav (1). Zakona, te je utvrdio da je žalba blagovremena, dopuštena i izjavljena od ovlaštenog lica i od lica koje ima aktivnu legitimaciju u skladu sa pomenutim odredbama Zakona.

Podnosilac žalbe u istoj navodi da tenderska dokumentacija nije sastavljena u skladu sa Zakonom o javnim nabavkama BiH, te iz tog razloga navodi sljedeće žalbene navode

Žalitelj u prvom žalbenom navodi ističe da ugovorni organ nije postupio u skladu sa Zakonom, te da je u tenderskoj dokumentaciji povrijedio osnovne principe Zakona i to princip jednakog tretmana, transparentnosti, pravične i otvorene konkurencije, jer je u tenderskoj dokumentaciji postavio uslove koji imaju ograničavajući karakter na konkurenciju na način da je sam postupak nazvao „Nabavka licenci za korištenje Owis sistema za upravljanje predmetima i dokumentima i nabavka usluga implementacije istog u Zavodu“, te da je u samom nazivu istakao „Owis“ koji upućuje na samo jednog kandidata, tj upućuje na samo jedan sistem/softver“. Provjerom žalbenog navoda utvrđeno je da je isti osnovan u dijelu da implicira na samo jedan sistem/softver, te će se u tom dijelu izmijeniti tenderska dokumentacija pa će sada predmet i naziv postupka nabavke biti „Nabavka licenci za korištenje sistema za upravljanje predmetima i dokumentima i nabavka usluga implementacija istog u Zavodu“, te će time biti prihvatljivi svi sistemi koji su u skladu sa propisanom tehničkom specifikacijom datoj u tenderskoj dokumentaciji.

Žalbeni navod žalitelja pod III.) Žalbe koji se odnosi na tačku 14.2. tenderske dokumentacije smatramo neosnovanim jer ugovorni organ je taj koji u tenderskoj dokumentaciji odnosno tehničkoj i profesionalnoj sposobnosti postavlja uslove koji su mu potrebni za određeni tip nabavke. U tački 14.2. tenderske dokumentacije ugovorni organ je odredio da je ponuđač dužan da posjeduje Industrijsku sigurnosnu dozvolu za pristup tajnim podacima stepena povjerljivosti „POVJERLJIVO“ ili više, koju izdaje Ministarstvo sigurnosti Bosne i Hercegovina u skladu s članom 15. Zakonom o zaštiti tajnih podataka („Službeni list BiH“ br. 54/05, i 12/09), i Pravilnikom o industrijskoj sigurnosti („Službeni list BiH“ br. 55/17). Zavod je ustanova za izvršavanje krivičnih sankcija visokog rizika i sa povećanim sigurnosnim mjerama, gdje su svi zaposleni obavezni dobiti sigurnosne dozvole pristupa podacima „POVJERLJIVO“ ili više, pa se shodno tome ista potreba odnosi i na lica koja sa Zavodom saraduju, a posebno koji saraduju u pogledu kolanja i skeniranja akata Zavoda kao i drugih institucija koji u pogledu rada sa zatvorenima saraduju sa Zavodom, i ako uzmemo u obzir da će ponuđač sa kojim zaključimo Ugovor imati pristup dokumentima koji se u skladu sa članom 48. Zakona Bosne i Hercegovine o izvršenju krivičnih sankcija, pritvora i drugih mjera - službeni prečišćen tekst smatraju službenom tajnom tajnog podatka unutar poslova stepena POVJERLJIVO i višeg stepena, zaključujemo da je apsolutno opravdano i osnovano zahtijevati „Industrijsku sigurnosnu dozvolu za pristup tajnim podacima stepena povjerljivosti „POVJERLJIVO“ ili više. Žalbeni navodi da bi se ova garancija zaštite osjetljivih podataka i

nepristupanja neovlaštenim osobama, mogla osigurati kroz zaključivanje Ugovora o povjerljivosti ili Ugovora o obradi i zaštiti ličnih podataka, u skladu sa principima i odredbama Zakona o zaštiti tajnih podataka, nikako nisu osnovani.

Ugovorni organ će po pravosnažnosti ovog Rješenja izmijeniti tendersku dokumentaciju, a sve u cilju obezbijedenja osnovnih principa Zakona i to principa jednakog tretmana, transparentnosti, pravične i otvorene konkurencije, te će na taj način omogućiti svakom kvalifikovanom ponuđaču da ostvari svoje pravo sudjelovanja u postupku javne nabavke, a da bi mi, kao ugovorni organ po što povoljnijim ekonomskim uslovima dobili najbolju ponudu odnosno kvalifikovanog ponuđača u cilju adekvatne razmjene vrijednosti/usluge za novac. Prema svemu navedenom a shodno odredbama člana 100. st. 3. Zakona o javnim nabavkama BIH odlučeno je kao u dispozitivu.

POUKA O PRAVNOM LIJEKU:

Na osnovu člana 100. stav (4) Zakona o javnim nabavkama Bosne i Hercegovine («Službeni list BiH» broj 39/14 i 59/22), protiv ovog Rješenja može se izjaviti žalba Uredu za razmatranje žalbi Bosne i Hercegovine, putem Ugovornog organa, u roku od 10 (deset) dana od dana prijema Rješenja.

Dostaviti:

- Komisiji za javne nabavke,
- Službi za opće, pravne i materijalno-financijske poslove,
- Svim učesnicima u postupku javne nabavke, i
- U spis.

